

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BEATRITZ DE DIA > EDIZIONE > A chantar m?er de so q?ieu no volria > Tradizione manoscritta
> CANZONIERE K > Edizione diplomatica

Edizione diplomatica

[127ra]

<p>Image not found https://letteraturaeuropea.let.uniroma1.it/sites/default/files/K%20%282%29.jpg</p>	<p>A chantar mer da so quieu uolria. Tant me rancur de lui cui sui amia. Quar eu lam mais de nulla ren q(ue) sia. ues lui nom ual merces ni cortesia. ne ma be utatz ni mos pretz ni mos sens. Quatressim sui enganada etraida. Cu(m) degra esser sim fos desauinenz. Daisom conort car anc non fis faillesa.</p>
--	---

[127rb]



https://letteraturaeuropea.let.uniroma1.it/sites/default/files/K%20%283%29.jpg

Amics uas uos per nuilla captensa. Anc uos am mais non fes seguis ualensa. E platz me molt que eu damor uos uensa. lo meus amics. Quar es lo plus ualenz. mi faitz orguouill en dit et paruensa. Esi ses **francs [1]** ues totas autras genz.

Merauill me con uostre cors sorgoilla. Am ics ues me p(er) cai razon quem duoilla. No(n) es ges dregs quautramors uos me tuoilla. p(er) nuilla ren queus digua nios acuoilla. Emenbre uos cals fol comensam(en)s. De uostramor damezdieus non uoilla. Qen mas colpas sial departimens.

Proesa grans qen uostre sazina. Elor rics pretz quaez men ataina. Cuna non sai lontana ni uesina. Si uol amar ues uos non sia clina. Mas uos amics es ben tan connoissenz. Qe ben deuet conoisser la plus fina. Emenbre uos de nostres couinenz. **V**aler me deu mos pretz e mos paratges. Ema beutatz eplus mos fis coratges. p(er) que us mand lai on es uostre estatges. Esta cha(n) son que me sia mesatges. Euoill saber lo mieus bels amics genz. p(er) que me fes ta(n)t fer ni tant salvatges. Non sai si ses orgouill ni mals talenz.

Mas aitant uoill plus diga lo messatges. Qen trop dorgouill an gra dan ma(n)tas vez.

- letto 3740 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-276>

Links:

[1] <https://letteraturaeuropea.let.uniroma1.it/?q=laboratorio/annotazione-lessico-semantic-0>